



Inatsisartunut ilaasortaq Villy Olsvig, Inuit Ataqtigiit

### **Talittarfiit pillugit § 37 naapertorlugu apeqqummut 2017-155-imut akissuteqaat**

Apeqqummut Inatsisartut suleriaasianni § 37 naapertorlugu nassiussimasarnut qujanaq. Apeqqutit matuma kinguliani ataasiakkaarlugit akissuteqarfigineqarput.

Aallaqqaasiutigalugu eqqaasinnaavara umiarsualiviit pillugit suliassaqarfimmi pilersaarut pisortatigoortumik tusarniaassutigineqareersimalermat, massakkullu tusarniaanermi akissutigineqartut ilanngunneqalermata. Naalakkersuisut sulissutigivaat suliassaqarfimmi pilersaarut ukiamut naammassineqarnissaa.

26-06-2017  
Sags nr.: 2017 - 12615  
Dok. nr. 21146999

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### **Apeqqut 1. Talittarfiit 150-02 aammalu 150-03 taamatuttaarlu 150-05 Uummannaq-mi talittarfeqarnikkut aammalu nunami toqqorsiviusinnaasunut nunaminertanik atuiffiusinnaasunik qaqugu pittanngorsaasoqarsinnaanerani takorluuisoqarpa?**

Akissut: 150-02 (Tingerlaatilinnut talittarfik) 2018-imi aasaanerani iluarsaanneqassasoq naatsorsuutigineqarpoq. 150-03 (Palammarsuarnut usingiaasarfitoq) pitsaanngitsorujussuummat, immikkoortumut pilersaarummi inassutigineqarpoq, taanna atorunnaarsinneqassasoq imaluunniit allamut tunniunneqassasoq. Taamatuttaaq inassutigineqarpoq umiarsualivik sunut tamanut atorsinnaanngorlugi nutarterneqassasoq, taamaaliornikkut umiarsualivimmi pisariaqartitsinerit arlallit ataatsikkut naammassineqarsinnaalissallutik. Tamanna soorunami soqutigisaqartoq oqaloqatigalugit pissaaq. 150-05-imut (Aalisariutinut talittarfik) tunngatillugu 2017-imi ukiaanerani aserfallatsaaliuinissamut isumassarsianut isummernissamut tunngavissiaq sularineqassaaq. Tamanna soorunami atuisut, matumani annertunerpaartaanni tassaasoq Royal Greenland, oqaloqatigalugit pissaaq. Namminersorlutik Oqartussat tungaanniit maannakorpiaq nunami nunaminertanik annertusititsinissaq pilersaarutigineqanngilaq.

### **Apeqqut 2. Talittarfiit 080-11 aammalu 080-09 taamatuttaarlu 080-12 Sisimiuni tunisassiorfiup eqqaani talittarfiup qalliutaa aammalu tunisassiorfimmuq aqquataa qaqugu pittanngorsarneqarsinnaanera takorloorneqarpa?**

Akissut: 080-11-imut (Usingiaasarfik) tunngatillugu iluarsaassineq ingerlanneqarpoq aammalu ukioq manna naatinngalu naammassineqassasoq tunniunneqassasorlu naatsorsuutigineqarluni. 080-09 (Suliffissuup talittarfia) kiisalu 080-12 ukioq manna qanoq issusaat nalunaarsorneqassapput, tamatuma kingorna iluarsaassinissamut pisariaqartitsinissaneq nalilersorneqassalluni. Aalisakkerivimmut aqquerngup aserfallatsaaliorneqarnera aningaasanut inatsimmi kontup 87.73.12 Umiarsualivinnut talittarfinnullu aningaasaliissutit ataaniinngilaq, kisianni kommunip susassaqarfialugulu.

### **Apeqqut 3. Sikuki habour-imita tamakkiisumik atuleriarpat tamanna kilisaatinut Sisimiut-ni usigiarartunut qanormita sunniuteqarsinnaanera takorloorneqarpa?**

Akissut: Paasissutissiissutigisinnaavara Namminersorlutik Oqartussat umiarsualiviutaanni atuisut akiliuteqartarnissaasa aaqqissugaaneranik Naalackersuisoqarfiga suliniuteqarmat. Taamaaliortoqarpoq umiarsualiviit pillugit Inatsisartut inatsisaanni nr. 9-imi § 21 imm. 3 naammassiniarlugu, tassanimi allassimavoq umiarsualiviit ingerlatseqatigiiffinit pigineqartut aamma umiarsualiviit Namminersorlutik Oqartussanit kommuninillu pigineqartut akornanni unammilleqatigiinnerup, akigititat tunngavigalugit equtinneqannginnissaa, sapinngisamik annertunerpaamik qulakkeerneqassasoq. Kilisaatit umiarsualivimmi siunertamut naleqqunnerpaasorisaminnut pisaminnik tulaassinissamik aalajangiisarnertik ingerlatiinnarsinnaavaat.

**Apeqquut 4. Kangerlussuarmi talittarfeqarfik (082) taassumallu ungataatungaa qaqugu pittanngorsarneqarsinnaanera takorloorneqarpa?**

Akissut: Kangerlussuarmi umiarsualiviup piusup iluarsaanneqarnissaa pillugu maannakkorpiaq pilersaaruteqartoqanngilaq. Kalaallit Nunaata qeqqa – Kangerlussuup inissisimaffia – 2019-imi nalunaarsorneqassasoq pilersaarutaavoq, tamatuma kingorna iluarsaassineq 2020-imi ingerlanneqassalluni, umiarsualiviit pillugit suliassaqarfimmi pilersaarutip malitseqartinneqarnerani allatut aalajangiisoqanngippat. Taamaattoq oqaatigineqassaaq, angallatit aqutigisartagaat ingerlaavartumik itinerulersinneqartarmat aammalu kingullermik 2016-imi itinerulersinneqarluni.

Taamatuttaaq oqaatigineqarsinnaavoq, Kangerlussuarmi nutaamik umiarsualiviliornissaaq pillugu kommunip oqaloqatiginera Naalackersuisoqarfiup ingerlammagu. Tamanna taamatuttaaq umiarsualivinnut immikkoortumut pilersaarummi salliutinneqarpoq aammalu ilaasunik ikaassisarnermik ilaatigut pitsaanerulersitsissalluni.

**Apeqquut 5. Attu-mi talittarfiup (092-03) qalliutaa aammalu nunaqarfimmut aqquserna qaqugu pittanngorsarsinnaaneramita takorloorneqarpa?**

Akissut: 092-03-mut (Tikittunut talittarfik) tunngatillugu toqqavissai 2017/2018-imi kueqqinneqassapput. Nunaqarfimmut aqqusineq aningaasanut inatsimmi kontup 87.73.12 Umiarsualivinnut talittarfinnullu aningaasaliissutit ataaniingilaq, kisianni kommunip susassaqarfialugu.

**Apeqquut 6. Iginniarfik-mi umiarsualivik (095-01) qaqugumita taava suliarinnittussasiuteqqinniarpa?**

Akissut: Iginniarfimmi ataatsimik talittarfeqarpoq 095-01 (Puttasofarfik). Taanna iluarsaanneqarpoq, aammalu ikaartarfimmik ikkussueqqinneq ingerlanneqarluni. Aalaakkaasumik talittarfiliornissamut suliassap neqeroortitsivigineqarneranut atatillugu, tamanna suli erseqqinnerusumik pilersaaruserneqanngilaq.

**Apeqquut 7. Kangaatsiami nuuliaq (090-01) qaqugu pittanngorsarneqarsinnaanera takorloorneqarpa?**

Akissut: 090-01 (Malinnut assiaqutaq) 2016-imi iluarsaanneqarpoq. Maannakkorpiaq annertunerusumik iluarsaassinissaaq pillugu pilersaaruteqartoqanngilaq.

**Apequt 8. Talittarfiit 090-01 aammalu 090-02 Kangaatsiaq-p kujataatugaani  
Ippernat-ni kisaq puttaquussuortalik anorlertillugu qimaaffiusartoq kimit  
oqartussaaffigineqarpamita?**

Akissut: Namminersorlutik Oqartussat 090-01-imut (Malinnut assiaqutaq) aamma 090-02-imut (Tingerlaatilinnut talittarfik) piginnittuupput akisussaasuullutillu.

Neriuppunga qulaani allaqqasuni apeqqutitit akineqartut.

Inussiarnersumik inuulluaqqusillunga

Erik Jensen